


बच्चियां ताई बाइबल
पेस करदी ऐ

जाहलू परमात्मे सब
कुच्छ बणाया



Edward Hughes: दे जरिये लिखियो ऐ।

Byron Unger; Lazarus;
Alastair Paterson: दे जरिये बणाई गई।

Bob Davies; Tammy S.: दे जरिये अनुकूलित।

Subramani N.: दे जरिये अनुवाद कित्ता।

Bible for Children
www.M1914.org: दे जरिये बणाई ऐ।

©2022 Bible for Children, Inc.

लाईसेंस: जाहलू तिकर तुहां इसा जो नी बेचदे हन, ताहलू तिकर तुहां
जो इसा काहणिया जो कोपी या परिंट करणे दी इज्जाजत ऐ।




अहां जो कुणी बणाया? बाइबल, परमात्मे दा
वचन दस्सदा ऐ कि मानस जात किआं सूरु
होई। बड़ी पैहल्लैं, परमात्मैं सबना ते
पैहल्लैं माणुये जो बणाया कने तिसदा
नां आदम रखेया।



परमात्मैँ आदमे जो धरतिया दिया चिक्का ते
बणाया। जाहलू परमात्मैँ आदमे च जिन्दगिया
दा शाह पाएया, तां सैह जिन्दा माणु बणी
गेआ। तिन्हीं अप्पु जो अदन दे
बगीचे च पाएया।



परमात्मैँ आदमे जो बणाणे ते पैहल्लैँ, तिन्हीं
अनोखियां चीज्जां नैँ भरौया इक्क छैल संसार
बणाया।



जगाह-जागह पर परमात्मैँ प्हाड़ कने समतल
जगाह, खुसबुदार फुल कने बड्डे-बड्डे रूख,
चमकिले पंखा आले पंछि, कने मधुमक्खियां
कने फिसलणे आले पाणिये आले प्राणी बणाये।
सच्ची च परमात्मैँ सब

कुच्छ बणाया ऐ - सब
कुच्छ।




सुरु च, परमात्मे दे सब कुच्छ बणाणे ते
पैहल्लै, परमात्मे ते अलावा
कुच्छ भी नीं था। कोई माणु
नीं, कोई जगाह नीं, कोई
भी चीज्ज नीं, कुच्छ
भी नीं था ना
परगडा कने ना
नेहरा, ना उपर ना
थल्लै, कने ना कल, ना
अज्ज। सिर्फ परमात्मा था
जिसदी कोई सुरुआत नीं थी। ताहल्लू
परमात्मे इक्क किरदार नभाया।




सुरु च परमात्मैँ अम्बर कने
धरतिया जो बणाया।




कने धरती सुणसान
कने खाली थी। कने
नेहरा छारया
था। ताहलू
परमात्मै
गलाया,
“तित्थु
परगडा
होई
जां।”



कने परगड़ा होई गोआ, परमात्ममें परगड़े
जो दिन कने नेहरे जो रात गलाया, भिरी
संझ होई कने भ्याग होई, इस तरिके
नैं पैहल्ला दिन होई गोआ।



दूये दिनैं, परमात्मैं समुन्दर, कने झीलां दे
पाणिये जो सुअर्गे दे थलैं बणाया। त्रीये दिनैं,
परमात्मैं गलाया, “सूकी जमीन बणी जां।”
कने तिआं ई होई गेआ।



परमात्मे घाहे जो, फुलां जो, झाड़ियाँ कने रूखां
जो भी बणने दा हुकम दिता। कने
सैह बणी गे। भिरी संझ
होई कने भ्याग होई,
इस तरिके नैं त्रीया

दिन होई गेआ।



ताहलू परमात्मैँ सूरजे जो, चन्द्रमे जो कने
इतणे तारे बणाये कि कोई तिन्हां
जो गिणी नीं सकदा। भिरी
संझ होई कने भ्याग होई,
इस तरिके नैं चौथा
दिन होई गेआ।




संमुन्दरी जीव कने
मच्छियां कने पंछि
परमात्मे दिया सूचिया
च दूये नम्बरे च थे।
पंजमे दिनें तिन्हीं
बडडी बहेल मच्छि,
लम्मियां जंगा आले
सुतरमुर्ग कने
लोकके-लोकके
पंछि बणाये।



परमात्मैं धरतिया दे
पाणिये जो भरणे ताई
हर किस्मां दियां
मच्छियां कने धरतिया
कने समुन्दरे कने
अम्बरे दा अनन्द लैणे
ताई हर किस्मां दे
पंछि बणाये। भिरी
संझ कने भ्याग होई,
इस तरिके नैं पंजमा
दिन होई गेआ।




तिसते बाद, परमात्मैं भिरी गलाया, “धरतिया पर जिन्दे प्राणी पैदा होन।” हर किस्मा दे जानवर, कीड़े-मकोड़े कने रेगणे आले जन्तु बणाये। धरतिया जो हिल्लाई दैणे आले हाथी कने बिजी ऊदबिलाब थे।



शरारती बन्दर कने अनाडी मगरमच्छ,
गोल-गोल कीड़े कने चालाक गिलैरी, जिराफ
कने बिल्ली बणाये। तिस दिन हर किस्मां
दे जानवर परमात्मै बणाएयो थे।

भिरी संझ होई कने भ्याग होई, इस तरिके नै
छैमा दिन होई गेआ।



छैमें दिनें परमात्मै कुच्छ होर कित्ता, जेहड़ा
तिन्हीं कित्ता सैह बड़ा खास था। हुण माणुयै
ताई सब कुच्छ त्यार था।
तिसदिया सेवा ताई खेतां
च अनाज कने
जानवर थे।



कने परमात्मैं गलाया, अहां माणुये जो
अपणिया छविया दे मताबक बणान; सैह
धरतिया पर सब चीज्जां पर अधिकारी
होयैं। तां परमात्मैं माणुये
जो अपणिया छविया
च बणाया; अपणिया
छविया च तिन्हीं
तिसियो बणाया।



परमात्मैँ आदमे नैँ
गल्ल कित्ती, कि
“बगीचे च जेहडा
चाह सैह खाई
सकदा। अपर भले
कने बुरे दे ज्ञाने दे
रूखे दा फल मत
खा। जे तुहां तिस
रूखे दा फल खांगे तां
जरूर मरी जांगे।”



कने यहोवा परमात्मैँ गलाया, माणुये दा किल्ला
रैहणा ठीक नीं ऐ। मैँ इस ताई इक्क साथी
बणागा। परमात्मे सारे पंछियां कने
जानवरां जो आदमे अल्ल लेई
आया। आदमैँ तिन्हां सबना दा
नां रखेया। इआं करणे च सैह
बडा होशियार था। अपर सारे
पंछिया

कने जानवरां च
आदमे ताई ठीक ढंगे
दा साथी नीं मिल्ला।



तिसते बाद परमात्मे आदमे जो डुगिगिया निंदरा
च पाई दिता, सुतेयो आदमे दी इक्क पसलिया
जो कडडेया कने तिसा पसलिया ते
परमात्मैं जणास बणाई
दिती कने तिसियो बिस्रामे
आला दिन बणाई
दिता। परमात्मे जिसा
जणासा जो बणाया,
कने आदमे दी कने
तिसा दी जोड़ी
बिल्कुल

मिलदी
जुलदी थी।



परमात्मैँ सब कुच्छ छिं दिनां च
बणाया। ताहलू परमात्मै सतमैँ दिनैँ
जो आसीष दिती कने तिसियो
बिस्रामे आला दिन बणाई दिता।



अदन दे बगीचे च, आदम कने
तिसदी लाडी हव्वा परमात्मे दे
हुकमां जो मनी करी, बडे खुस थे।
यहोवा परमात्मा तिन्हां दा पालन
पोसण कने साथी था।



जाहलू परमात्मे सब कुच्छ बणाया
परमात्मे दा वचन, बाइबला दी इक्की काहणिया
च पाण्या जांदा ऐ
सृष्टिया दी सुरुआत 1-2

“तेरे वचनां दी समझ मिन्जो जोती दिंदी ऐ।”
भजन 119:130



आखरी



बाइबला दी एह काहणी अहां जो अहां दे
अनोखे परमात्मे दे बारे च दस्सदी ऐ जिन्हीं
अहां जो बणाया ऐ कने जेहड़ा सैह चांहदा ऐ
कि अहां तिसियो जाणी पान।

परमात्मा जाणदा ऐ कि अहां बुरे कम्म कित्तियो हन
जिसियो सैह पाप ग्लांदा ऐ। पाप दी सज़ा मौत ऐ,
अपर परमात्मैं अहां नैं इतणा प्यार कित्ता ऐ कि तिन्हीं
अपणे इक्कलौते पुत्र, यीशु जो सूत्रिया पर मरणे तांई
घल्लेया। तांजे अहां अपणे पापां दिया सज़ा ते बची
सकन। ताहलू यीशु दोबारा जिन्दा होएया कने सुअर्गे
जो चली गेआ। जे तुहां यीशु पर बसुआस करदे हन
कने अपणे पापां ते पश्चाताप करदे हन, तां सैह इआं
करगा जाहलू सैह वापस आंगा कने तुहां सौगी रेंहगा,
कने तुहां तिस सौगी सदा तांई जिन्दे रेंहगे।



मेरे प्यारे यीशु, मिन्जो बसुआस ऐ कि तुहां
परमात्मा हन, कने मेरे पापां तांई तुहां माणु बणी
करी अपणे प्राण देई दित्ते, कने हुण भी तुहां जिन्दे
परमात्मा हन। करिपा करी नैं तुहां मेरिया
जिन्दगिया च ओआ कने मेरे पापां जो माफ करा,
तांजे मैं हुण नौई जिन्दगी पाई सकैं, कने हर दिन
मैं तुहां सौगी रैंह। तुहां अपणे हुक्मां जो मनणे
तांई मेरी मदत करा कने मैं अपनी जिन्दगी
तुहां सौगी जी सकैं। अमीन।

हर रोज बाइबल पढा कने परमात्मे नैं
गल्तां करा। यूहन्ना 3:16

